

義

禮

糾

解

儀禮紉解卷之六

安溪王士讓述

燕禮第六

燕禮有四。諸侯君臣無事而燕一也。魯頌風夜在公于胥樂兮是也。卿大夫有王事之勞君與羣臣燕飲以樂之二也。本經記若以樂樂賓則賓及庭奏肆夏是也。卿大夫煩聘而還與之燕三也。四牡勞使臣是也。四方聘客與之燕四也。聘禮云燕與時賜是也。燕於五禮屬嘉禮。士讓按朱子通解編爲邦國禮一之上其於鹿鳴詩說曰君臣之分以嚴爲主。朝廷之禮以敬爲主。然一於嚴敬則情或不通而無以盡其忠告之益。故先王因其飲

食聚會而制爲燕饗之禮以通上下之情於朝曰君臣焉於燕曰賓主焉先王以禮使臣之厚於此見矣攷之記云凡養老有虞氏以燕禮則禮不始自周而養老有燕也大宗伯以饗燕之禮親四方之賓客云四方則王之所燕者廣矣又如築室落成者有燕祭畢於父兄者老有燕公與族人燕有燕燕禮不一此篇則諸侯與其臣燕其正義也

燕禮

士讓按本經有燕禮與食禮而無饗禮鄭氏公食篇注云饗禮亡賈氏鄉飲酒篇疏

云此鄉飲酒爲饗禮今攷賈疏似是也然有特設之燕有饗禮遂事之燕未可概而同之特設之燕則此篇是也饗禮遂事之燕則鄉飲酒鄉射篇皆是也其未徹俎以前爲饗以訓其儉之義其既徹俎以後爲燕以示慈惠之義饗在朝燕近莫故記云飲酒之禮朝不廢朝莫不廢夕

也。王者之饗諸侯，有專言朝者，彤弓一朝饗之是也。有主於燕者，湛露厭厭夜飲是也。天子於命卿，有饗燕合言者，周饗隨會而燕以合好是也。侯伯於名卿，有饗燕合言者，鄭饗趙孟而禮終，乃燕是也。記所謂周人脩而兼用之，此其一隅云。是篇之燕，爲特設之燕，雖公與賓有俎，而所尚者飲酒，蓋示小臣戒與者。小臣，相君燕飲慈惠之意爲多也。大僕，相小臣佐之。此諸侯禮降於天子，以小臣當大僕之事。戒與者，謂留羣臣也。羣臣朝畢將退，君欲與之燕，故使小臣留之。蓋君以燕禮勞使臣，若臣有功，必與羣臣樂之。小臣則警戒告語焉。飲酒以合會爲歡也。士讓按大射亦先行燕，但其禮重大，故戒以大宰復殊戒以射人司士。又於祭前旬有一日，此禮輕，故使小臣當朝畢戒之。不云君有命，命自應出于君，以禮輕

故省文耳。云與者，則固有不與者矣。國之設官，卿大夫士雖有定數，然或外使，或持服，或疾病，非見在入朝，容不與也。戒雖屬臨時，然前期亦必預知。君將行燕之意，觀下文官饌畢具可見。

右戒羣臣

膳宰具官饌于寢東

膳宰。天子曰膳夫。掌君飲
食膳羞者。此則諸侯之官。

也。具官饌，具其官之所饌，謂酒也，牲也，脯醢也。
寢路寢。寢東，蓋其東壁之東也。及既設賓席，官
乃改饌之。或曰：寢東，寢之東房也。公食大夫云：
凡宰夫之具，饌于東房。望溪方氏曰：不云命
諸官共饌，而云膳宰具官饌，見膳宰親監視而
具陳寢東以俟時而進也。士讓按：天子自膳
夫而下有庖人、亨人、獸爓、鼈腊、酒漿、凌、遵、醯、醢、
鹽、晷等人。諸侯雖不及天子備官，然有嘉會皆

官供之。故曰具官饌。鄉飲射。大夫士禮取其而
已。寢在路門之內。故曰路寢。又其內有燕寢。
樂人縣。天子有眡瞭。掌犬師之縣。諸侯則使僕
人縣樂。大師以聲展之。樂師又監之。諸
侯軒縣。面皆鍾磬。鋪各一虡。無故不徹。路寢有
常縣。今更整理。爲燕新之也。穆亭李氏曰。旣
爲燕新之。且爲或射。亦有遷樂。當兼此兩意。
士讓按諸侯軒縣。三面。無南面。其形曲。左氏所
謂曲縣也。天子宮縣四面。曰一舉。以樂侑食。諸
侯亦有侑食。觀魯論亞飯三飯四飯可見。敖氏
云。此縣蓋在階間。磬在阼階西南面。鍾鋪次而
西。建鼓在西階東。南鼓。鼙在其東。國君燕禮輕
於大射。故不備樂。且於其日乃縣之也。今按大
射預戒。故樂縣得以預宿。燕禮戒于當日。樂不
必宿。故只
云縣也。

設洗篚于阼階東南。當東靄。蜺水在

東、簠在洗西、南肆。設膳簠在其北、西面。

洗與甒蓋瓦爲

之。下云君尊瓦大、可知。設此不言其官賤也。據

大射少年禮、蓋司宮設之。雷屋簷滴水處、四向

流水。所謂四阿、人君爲殿屋、故有東雷、亦南北

以堂深肆、陳也。君物曰膳、以其善於諸臣所用

者。膳簠、實君之象觚象觶、亦南。司宮尊于東楹

陳、而言西面、尊君故異其文也。司宮尊于東楹

之西、兩方壺、左玄酒、南上公尊瓦大兩、有豐、冪

用綌若錫、在尊南、南上。尊士旅食于門西、兩圓

壺。方壺爲卿大夫士設、取臣道直方也。於東楹

西者、君在阼、尊君專此惠。玉藻所謂唯君面

尊也。玄酒在南、順君之面、尚左也。瓦大、有虞氏

之尊名、兩則左玄酒也。用瓦甒者多矣、惟君尊

謂之大。蓋其制或異。歟。豐形似豆。卑而大。以承
尊者。取其安也。冪。夏用綌。冬用錫。錫。今文爲緹。
布之滑。易者。在尊南。謂瓦大在方壺之南也。先
尊。方壺於楹西。以爲節。乃設公尊。與上文後設
膳。篚之意同。士旅食者。謂庶人在官。未得正祿
者。用圓壺。變於卿大夫士也。不言南上。則無玄
酒。畧之也。于門西。卑之也。穆。亭李氏曰。若兩
君相會。則主君不當面尊。故爵站。在兩楹之間。
之尊南。若鄉飲酒。則尊於房戶之間。賓主共之
也。士讓。按司宮。蓋宮中小臣類耳。所掌皆煩
瑣之事。注疏以諸侯之司宮。當天子之小宰。小
宰秩中大夫。次于大宰。乃尊官也。注疏恐未安。
設臣尊。先于公尊者。燕則忘分。
先賓之義。故獻亦必先賓也。
司宮筵賓于戶
西。東上。無加席也。
筵。席也。席用蒲。筵。緇布。純。無
加席。燕私之禮。臣道屈也。若

公食大夫則加荏席尋玄帛純彼異國之賓禮
得申也諸侯之官無司几筵故使司宮設尊并
席望溪方氏曰燕以閒暇爲須臾之歡故卿
重席賓無加一循其常大射辨等威則特加席
以致隆于賓示尊賢之義與貴貴同也穆亭
李氏曰燕來聘之臣亦無加席者以其爲上介
故賓爲苟敬也士讓按筵于戶西卽牖前也
與司几筵筵國賓于牖前之位全司宮所掌不
惟尊與席下文執燭於
西階上亦司宮爲之

右陳器饌

記燕朝服於寢

朝服兼君臣而
言也玄冠緇衣

緇帶素鞞素裳白履士之朝服也大夫冠衣
之屬皆與士同惟雜帶以玄黃爲異若人君
則朱綠帶其餘亦與士同但君用複下之白
爲臣用單下之白履耳燕於路寢相親昵也

若饗則行於祖廟。公食大夫則行於廟。穆
亭李氏曰：食禮燕禮皆朝服，則饗亦朝服歟。
燕以盡歡，有說履升坐之儀，在廟恐褻，故必於寢。
其牲狗也。狗於牲禮差輕，故用之。大射禮敖此。士讓按舊坊
本注疏無此四字。惟敖本有之。敖蓋有所據
今存之。亨于門外東方。門外東方，饗所在也。於
有饗，吉在東。凶則在西。公食記亦云：亨于門
外東方，則在禰者，鄉飲酒云：亨于堂東北，則
在庠者，然其在
于東方，則同耳。

射人告具。

以射人主燕禮者，以或行燕射也。若

爾岐曰：周禮射人掌三公孤卿大夫之位，又以
射法治射儀。士讓按：告具應在羹定之候，以

大射儀推之可知

小臣設公席于阼階上西鄉設加席。

公升卽位于席西鄉。

周官司几筵職載几諸侯酢席用莞筵紛純加纁席

畫純此燕禮疑亦如之。設公席後于賓席。注疏以爲卑者先卽事。朱子云此與大射雖設席之先後不同。然皆公先升卽位而後納賓。非卑者先卽事也。但言偶不同耳。不可據文便生異義。士讓按郊特牲文三獻之介。君專席而酢。此賓無加席而公設加席。則不降尊以就卑也。但據饗諸侯來朝者。君必三重席而酢。而鄉飲酒大國之孤尙三重。大夫再重。鄉射亦如之。此君席只再重。亦有降尊忘分之義。

小臣納卿大夫卿大夫皆入門

右北面東上。士立于西方東面北上。祝史立于

門東，北面東上。小臣師一人在東堂下，南面。士

旅食者立于門西，東上。納者以公命引而入也。入門右者，由闕東而入。

也。臣朝君之法然，燕亦然。立者，位定于此也。卿大夫之位，皆是擬君揖位。自士以下賤，不待君

揖，入門卽就定位也。師，長也。小臣之師一人，猶天子大僕正君之服位者。望溪方氏曰：天子

小臣四人，侯國宜半之，特標一人，明一正一師也。大射禮，小臣正相君，小臣師佐之。此篇相工

授瑟者，小臣二人。在東堂下者，師則設公席，納卿大夫者，必正也。公降，小臣正宜從降，與師並

立東堂下。而文畧以公升之後，小臣自阼階下北面請事，則其位在東堂下可知矣。公降，

立于阼階之東南，南鄉。爾卿、卿西，面北上。爾大

夫大夫皆少進。

公俟其入而降立者明降尊之義揖人必違其位也爾近也移

也揖而移之近之也再云爾各旅揖之也其卿

得揖東相西面大夫得揖中庭少進北而不改

以自別射人請賓。命當由君出也君

於卿射人請賓。南面射人北面公曰命某

為賓。

某大夫也賓主相敵射宰夫為主人是大夫賓亦是大夫燕義云不以公卿為賓而

以大夫為賓為疑也明嫌之義也望溪方氏

曰以大夫為賓明嫌此其一義耳才德之大小

不限于名位故春秋時子產叔向自始仕而聞

望重干諸卿故以大夫為賓尊賢之義彰焉饗

食燕射國之大政也君卿實共主之故不以公

卿為賓體國之義著焉古者五十為大夫累日

積久以至孤卿年必過者故以大夫為賓亦取

其強有力能勝獻酬煩勞之任耳士讓按此

禮主君臣無事而燕立法。仲大夫而屈卿則賓中一大夫。席于戶西。卿席于賓東。若有諸公。席于阼階西。比面東上。其常法也。若公與四方之客燕。則其介爲賓。賓爲苟敬。彼大夫也。賓卿也。席鄰國之卿於本國公位。加一等矣。若燕卿大夫。有王事之勞者。彼勤王者必正卿。而大夫特副耳。旣不惜重之以樂。何以屈卿乎。曰。此疑先施之饗禮以重卿。而後施之燕禮以親大夫。如燕四方之客之爲也。至於卿大夫。煩聘而還者。卿原爲賓也。大夫原是介也。若與之燕。命大夫爲賓。而席卿于賓東。則亦得禮之宜。故燕禮有四。皆可以大夫爲賓也。射人命賓。賓少進禮辭。射人詔辭出君之右。東而向君。南顧向賓。便也。禮辭者。辭不敏。其辭蓋曰。君命子爲賓。少進者。宜違其位。反命。又命之賓再拜稽首許。

諾射人反命。

初以賓辭告。後以賓許告。

賓出立于門外東面。

當更以賓禮入也。大射儀云北面。此東字蓋誤。

公揖卿大夫，乃升就席。

公將升。

小臣自阼階下北面，請執筓者與羞膳

者。

執筓者，執瓦火之筓也。方圓壺無筓。羞膳，進於公之庶羞也。薦，亦存焉。可知。二事有常職。

然必白於君。然後敢命之。乃命執筓者執筓者，升自西階立

于尊南，北面東上。

以公命於西階前命之也。東上，玄酒之筓爲上也。羞膳者

從而東，由堂東升自北階。房中西面南上。知者以羞在房，其升立又約大射工人士梓人及士

冠禮贊者文而可知。望溪方氏曰：羞膳者與執筓者同請而無命，何也？羞膳者必膳宰而執

幕者無

定也。

膳宰請羞于諸公卿者。

小臣不請而膳宰請畧也。禮以

異為

射人納賓。

擯之也。納賓之辭。蓋曰君須矣。吾子其入也。李氏如圭曰。春秋

傳。王以鞶伯宴。使相告。

賓入及庭。公降一等揖。

之。相。相禮。即擯者也。

之。及庭。既入門而左。沒霤出堂塗。北面時也。一

讓。按。入。門。左。北。面。則。臣。公。升。就。席。以。其。將。與。主。士

而賓。賓而臣。兩得之。

也。賓升自西階。主人亦升自西階。賓右北面至。

再拜。賓答再拜。

主人。宰夫也。宰夫。大宰之屬。掌

東面。君於其臣。雖為賓。不親獻。以其尊莫敢仇

禮也。且亦以當獻者衆。尊者不宜親其勞也。至

義豐川祥

再拜賓先至乃拜之。天子則膳夫爲獻主。望
溪方氏曰：燕與大射，但言主人，不著其爲何職，
以有常職也。周官王燕飲酒，膳夫爲獻主，而燕
義曰：宰夫爲獻主，何也？周官宰夫掌賓客膳獻，
飲食之數，而此篇羞牲俎者，皆膳宰，則爲獻主
者，舍宰夫無以也。士讓按：凡主人升降，皆由
阼階。此非正主辟君，故
升由西階，以別嫌也。

右卽位 與卿燕，則大夫爲賓。與大夫燕，亦

大夫爲賓。

此謂與已臣子燕法也。不以所因

於敬也。公父文伯飲南宮敬叔酒，以路堵父
爲客。春秋末，人臣燕客，猶存此意。君但以大
夫爲賓者，大夫卑，雖尊之，猶遠于君，不畏偏
君也。敖氏繼公曰：云與卿燕，則大夫爲賓。

者嫌爲賓或當以所燕者也與大夫燕亦大
夫爲賓者嫌爲賓或當降于所燕者一等如
上例也必以大夫爲賓者有位于堂稍尊于
禮宜也不以公卿爲賓以其太尊于主人也
三禮館議主人不以卿大夫者太尊不便
于獻士庶子以下也與大夫燕賓何不以士
士無位於堂故也羞膳者與執冪者皆士也
故以士職爲之羞卿者小膳宰也膳宰
之佐凡薦與羞者小膳宰也謂卿大夫以下
羞賓者亦士望溪方氏曰周官膳夫之屬
內外饗掌凡燕飲食賓客之事則小膳宰即
內外饗也經不見執冪者之爵或疑庶子
士旅食者可供故記著其爲命士經不見
羞卿者或疑與賓同爲膳宰故特著其爲
小膳宰既於卿曰小

膳宰或疑大夫以下復易人故特著凡薦與羞同之。

主人降洗洗南西北面

賓將從降鄉之鄉飲酒鄉射主人洗北南面正

主也此不於洗北辟正主士讓按西面者主道也北面者臣道也由西階降而還西北面一轉移閒而敬君尊賓之義各得賓降階西東面主人辭降賓對

階西東面亦當序賓對亦宜少進

主人北面盥坐取觚洗賓少

進辭洗主人坐奠觚于篚興對賓友位

獻不用爵辟正

主也凡爵一升曰爵二升曰觚據下經獻公用象觚則此乃角觚也賓少進者辭洗宜遵其位

主人卒洗賓揖乃升主人升賓拜洗主人賓右

奠觚答拜。

賓每先升尊也。

士讓按疏以主人

大夫而推之。然周禮所列王官也。未可以概侯

國之秩。故敖氏云。宰夫是士。且非正主。故賓每

先升。今更放王燕飲酒。則膳夫為獻主。膳夫皆

上中下士三秩。則侯國之宰夫。只是士耳。晉有

宰夫杜蕢。未聞為

降盥。賓降。主人辭。賓對。卒盥。

大夫職。敖說優。

賓揖升。主人升。坐取觚。

前盥為洗爵。此盥為賓

酌膳。執冪者舉冪。主人酌膳。執冪者反冪。

酌君膳尊者尊

賓也。

士讓按酌而隨

主人筵前獻賓。賓西階

反之。敬其物。尚潔也。

上拜。筵前受爵。反位。主人賓右拜送爵。

賓既拜前受觚。

退反位。

士讓

按鄉飲酒鄉射獻賓俱云西北

面此與大射不云者蓋亦西北面歟鄉飲射禮

同故不著之也此觚膳宰薦脯醢賓升筵膳宰

而云爵者通言之也膳宰薦脯醢賓升筵膳宰

設折俎

鄉飲酒賓俎脊脅肩肺燕禮公尊賓當用臂

賓坐左執爵右

祭脯醢

奠爵于薦右興取肺坐絕祭嚌之興加

于俎坐執手執爵遂祭酒興席末坐啐酒降席

坐奠爵拜告旨執爵興主人答拜

此賓乃大夫也亦絕肺以

祭而下文又云公祭如賓禮則是自上至下此

禮同也舊說謂大夫以上繚祭惟士絕祭其不

致諸此乎降席降席西南面也肯美也酒賓西

非主人之物賓乃告旨者以其為獻主也賓西

階上北面坐卒爵興坐奠爵遂拜主人答拜遂拜

拜既爵也凡答拜皆於所答者與乃爲之經或不言興文省耳

右主人獻賓惟公與賓有俎俎肴之盛者主於燕其餘

可以無俎

賓以虛爵降爵卽觚也降者將洗以酢主人主人降賓洗南坐

奠觚少進辭降主人東面對復言觚者明上所云爵卽觚也大射

儀曰主人西階西東面少進對此宜亦然賓坐取觚奠于篚下盥洗

篚下篚南主人辭洗賓坐奠觚于篚興對卒洗及階

揖升。主人升拜洗如賓禮。

辭洗者謙也。揖者壹揖。

賓降盥。

主人降賓辭降卒盥揖升酌膳執棼如初以酢。

主人于西階上主人北面拜受爵賓主人之左。

拜送爵。

賓東楹西東而酌膳訖乃轉西南而授主人授爵訖乃之主人之左北面拜送。

爵也。

士讓按酢主人亦酌膳者酢以報獻宜。

相稱主人既達公尊賓之意獻以膳故賓亦報。

以膳敬公而及主人也。但行禮不得于阼階辟。

君也。主人于賓右在東方賓于主人左在西方。

主人坐祭不啐酒。

不啐酒者辟正主也。未薦者臣也。至獻大夫下胥乃薦主。

人于洗北。

穆亭李氏曰。

不拜酒不告旨。

主人之義。

主人堂上無席無所於薦。

遂卒爵興坐奠爵拜執爵興賓答拜主人不崇

酒以虛爵降奠于筐。士讓按注云崇充也。不以酒惡謝賓甘美君物也。

而敖氏解為崇重之義然則此不崇者代賓降君行禮酒非已惠不謝賓之崇重此味也

立于西階西。既受獻矣射人升賓賓升立于序

內東面。西牆之內也。大射儀曰擯者以命升賓。穆亭李氏曰升賓優之異於鄉飲酒。

士讓按鄉飲酒既酬賓後正主方與介行禮賓不宜安堂上故賓降主人亦未升之此君在

作為正主賓應待公時主人方洗以獻公而射人職在擯相故命射人升之。

右賓酢主人。士讓按一獻一酢之後尚未得酬賓以宜獻公也。

主人盥洗象觚升實之東北面獻于公

象觚觚有象骨

飾者士讓按公尊也獻亦用觚者燕主飲酒爵實一升不及觚實二升為足以飲歡故凡獻

用爵惟燕雖獻公亦用觚然公尊不可無別故

用象飾以昭其等也至主人獻公而公無辭洗

辭盟之文者亦

以公尊故也公拜受爵主人降自西階阼階

下北面拜送爵

凡篇內舉旅行酬公應先拜者皆受酬者先拜公乃答拜尊公

故也此公先拜受爵者受獻禮重也望溪方

氏曰天子於羣下舍喪無拜法而諸侯於大夫

士皆答拜何也以天子臨之則皆比肩而事主

者故臣之稽首一同於天子而君則答拜不敢

上同于天子然亦惟始見及燕射有拜法其朝

夕見惟以揖春秋傳三揖在下是也又曰古者

天子於師保再拜稽首。諸侯於羣下受爵必拜。燕見而退，送之降階及門，以君臣而用師友之禮。平時恩泱義明，然後君有過失，雖深言而不疑。國有大事，可正言而立斷，設儀起教之意，蓋深遠矣。

士薦脯醢膳宰設折俎升自西階

薦進也。由左房。

公俎當用肩，賓俎當用臂，尊公之義也。云升自西階，嫌公設俎宜由阼也。膳宰既設折俎，則少退，東面而俟贊授肺。前獻賓，薦設皆膳宰賓卑故也。今於公異人，士尊於膳宰，故使士薦。犬射畧於飲，故公與賓同使宰省薦。庶子設此燕主於羞，故賓之薦俎庶羞同使膳宰。君之脯醢庶羞同使士。士讓按禮通例，俎為盛，羞為加，薦則凡獻皆有之。燕主於飲，則主於羞，重在羞，故薦羞於君以士，其視設俎者為貴矣。然俎究為盛之常也，故公與賓有之。公祭如賓。

禮膳宰贊授肺不拜酒立卒爵坐奠爵拜執爵

興凡異者君尊變於賓士讓按贊授肺崇體也。不拜酒惠自君專也。立卒爵優君煩也。皆

其異者。主人答拜升受爵以降奠于膳簠向者服之在此

士讓按膳簠西面。臣簠在其南。奠之應東面。

右主人獻公獻公曰臣敢奏爵以聽命公授

釋此辭不敢必公受之。

更爵洗升酌膳酒以降酢于阼階下北面坐奠爵再拜稽首公答再拜主人坐祭遂卒爵再拜

稽首公答再拜。主人奠爵于篚。

更爵者不敢襲至尊也。君尊不

醉其臣。主人自酢成公意也。酢亦用膳。承公惠也。望溪方氏曰。上文公受爵而拜。卒爵而拜。主人答拜皆不稽首。循獻禮之常也。此代公自酢。則賓主之禮。臣下所不敢望于君。故再拜稽首。以比於君。賜之爵。而不敢以主人自居也。士讓按。酢必于階下。必北面。必再拜稽首。臣禮也。

右主人受公酢

主人盥。升媵觚于賓。酌散。西階上坐。奠爵拜。

賓降筵北面答拜。

凡卑者酬酒於臣。禮則曰舉。於君禮則曰媵。媵送也。觚當

作觶非解則不可以旅也。酌散酌方壺酒也。賓自立于序內以來。未有升筵之事。鄉飲酒大射。酬前賓皆無逆在席者。此言降筵蓋誤。主人坐祭遂飲賓辭卒爵。

拜賓答拜

辭其代召行酒不立飲也。或曰賓欲

且遠辟。膝爵于公。主人降洗賓降。主人辭降賓

辭洗卒洗

揖升不拜洗。不拜洗。酬主人酌膳賓

西階上拜。

拜者拜其酌已。士讓按自飲以散。而酌賓以膳。所以成君之正酬殺中

有隆者也。

受爵于筵前反位。主人拜送爵賓升席坐

祭酒遂奠于薦東。

鄉飲射酬酒主人實觶席前。賓始拜此及大射先拜而後

受于筵前。急承君惠，不敢安暇也。升席祭，尊君物也。遂者，因坐而奠，不北面也。奠之者，酬酒不舉也。士讓按鄉飲酒，鄉射賓不祭，遂奠。此及大射之酬，皆坐祭而後奠。下賓旅西階上，亦祭酬酒，皆尊君物之意。主人降復位，賓降，筵西東南面立。賓降階下，而君命升之。此時惟降筵而已。恐褻禮而重煩君命也。李氏微之曰：東南面立，鄉君也。得禮意矣。

右主人酬賓

小臣自阼階下請媵爵者。公命長。

長，謂年長可使者。或曰：下

大夫之長也。媵爵，以爲旅酬始也。

小臣作下大夫二人媵爵。

使作

也。卿爲上大夫，不使之者，爲其尊。

媵爵者，阼階下，皆北面再拜。

稽首。

再拜稽首，拜君命也。北面亦東上。

公答再拜。

禮無不答。

媵爵者

立于洗南，西面北上。序進盥，洗角觶，升自西階，

序進酌散，交于楹北。降，阼階下，皆奠觶，再拜稽

首，執觶興，公答再拜。

西面北上，未盥相待之位。序，次第也。序進盥，則北面

向洗矣。楹北，西楹之北也。交者，一大夫先升西階，由西楹之北，向東楹之西，東面酌訖，右還由西楹北，向西階上，北面相待。後者亦然。往來相交，先者在右，後者在左，乃次第而降。敖氏繼公曰：凡經惟言交者，皆謂相右也。階上之位，退者在東，進者在西，以相右爲便。媵爵者

皆坐祭。遂卒觶。興坐奠觶。再拜稽首。執觶興。公

答再拜。媵爵者執觶待于洗南。待君命也。小臣請致

者。請使一人與二人與。酒君物也。以進于君。故謂之致。若君命皆致。則序

進。奠觶于篚。阼階下皆再拜稽首。公答再拜。媵

爵者洗象觶。升實之。序進坐奠于薦南。北上降。

阼階下皆再拜稽首送觶。公答再拜。序進者往來山尊北

交于東楹之北。以酒尊陳在東楹西故也。奠于薦南。不敢必君舉也。三。禮館議。前兩序進。初

序于洗南。為盥洗也。繼序于西階。為酌散也。此兩序進。初序于洗南。為拜命也。繼序于尊所。為

奠觶也。前之拜命，不言序進者，以始發于位，序可知也。此盥洗酌膳，不言序進者，如初可知也。

右媵爵于公

三禮館議：燕示慈惠，主于盡醉，極歡故獻禮。雖畧而酬儀則盛。

主人于賓，一獻一酢一酬，正禮已成矣。將欲行酬，必自賓始。然賓不敢始也。故于賓奠酬酒之後，乃使二人媵觶。既以成獻公之禮，因以之酬賓。卽爲賓舉旅，而遂以辯酬于公卿大夫。是賓之旅，皆君之賜也。恩渥義洽，下三舉旅，皆以是觀之。

公坐取大夫所媵觶，興以酬賓。賓降西階下，再

拜稽首。公命小臣辭，賓升成拜。

興以酬賓，謂興立于席，舉觶向

賓而酬之也。酬賓不下席，君尊也。西階下再拜稽首，賓亦臣也。辭其拜下，禮之也。升成拜，復再

拜稽首也。先時君辭之、於禮若未成然。士讓

按公酬賓、不見有就西階之文。下又不見公有

反位之文。則敖氏云不下席信矣。以

公尊、自與尋常賓主同階。酬法異也。公坐奠觶、

答再拜、執觶興、立卒觶。賓下拜。小臣辭、賓升再

拜稽首。不言成拜者、爲拜故下賓。公坐奠觶、答

再拜、執觶興、賓進受虛爵、降奠于篚。賓受虛爵

前故云進。易觶洗。君尊不親酌、而臣承酬、不敢

奠其爵。故奠于篚、而欲易角

洗。公有命則不易不洗。反升酌膳觶、下拜。小臣

辭、賓升再拜稽首。公答再拜。命使仍用象觶也。

賓不易之、不敢違

儀禮細解

卷六

燕居

七

君意也。不洗者，承君飲後而復洗之，嫌若不以爲潔然。下拜，下亦未拜，聞命卽升，升乃拜於西階上。而公答拜於阼席上也。於是賓請旅侍臣，士讓按酌亦用膳，不以散者，旣承君之解，不易，則亦渥君之膳矣。
賓以旅酬於西階上。
旅，序所以善承君賜也。
次序勸卿大夫飲酒。望溪方氏曰：公卿先受酬而後獻，何也？君不可親酌以獻臣。若酬則自飲以相導，故可親也。公卿君之所敬，故旣親酬賓，因藉手于賓以酬之。士爲獻主，而賡爵者以大夫何也？君親酬賓，暨公卿大夫，禮重于宰夫之獻也。
射人作大夫長升受旅。
由三卿至五大夫。
賓大夫之右，坐奠觶拜。
賓在西階上，酬卿並北面。賓執觶興。大夫答拜。
賓在西，賓位合在西。今

在東。是相飲法。賓坐祭立飲卒觶。不拜。不拜既爵酬而禮殺尊公所酬

故若膳觶也則降更觶洗升實散大夫拜受賓

拜送。公優所酬者或使得用象觶而不可遞及乎他是以使用角觶旅酬而洗者亦為更

觶新之也。餘則不洗。賓既拜送則就席。士讓

按此膳觶指君有命不易者。倘君不命則蚤已

易之矣。經云若者。大夫辯受酬如受賓酬之禮。以見不定之儀也。

不祭卒受者以虛觶降奠于篚。旅酬不祭乃正禮三禮館議

凡禮獻畢乃旅此不待獻畢即旅者君禮異也

公意欲使臣下盡醉極歡故受賡觶即舉以酬

賓賓乃緣公意而達之又案燕義曰君舉旅于賓及君所賜爵皆降再拜稽首升成拜明臣禮

傳禮射角
也。君答拜之。禮無不答。明君上之禮也。所云舉
旅于賓。謂此舉旅也。其云君所賜爵。謂下爲卿
大夫士舉旅。而曰唯君所賜者。是也。此經于臣
之成拜。君之答拜。惟于此段詳之。至爲卿大夫
士舉旅。則直云如初而已。士讓按賓所酬之
大夫長。卽卿也。云大夫辯受酬。明卒受者尙未
及士也。

右公爲賓舉旅

凡公所辭皆栗階

栗。蹙也。謂越等。

急趨凡栗階不過二等

凡云者。自天子九等階。至士三等階。皆有

栗階法也。栗階亦名散等。其始升猶聚足連
步。越二等。左右足各一發而升堂。不過云者。
明雖急趨猶有節也。凡升階之法有四。連步
一也。栗階二也。歷階三也。越階四也。天子階

以下皆留上等為栗階其下等無問多少皆連步也。歷階見檀弓杜黃歷階而升越階見公羊傳趙盾避靈公踏階而走。謂左右足越三等是也。凡公所酬既拜請旅侍臣。凡謂凡四舉旅之禮既拜謂自酌下告于公還西階下告公許旅行酒也侍臣侍飲之臣謂卿大夫士也必請者不敢專君之惠也。

主人洗升實散獻卿于西階上。

實散降於賓也。酬而後獻卿飲。

酒成於酬君禮成卿乃得獻。

士讓按卿若有

王事之勞而君燕之其獻亦後於賓不為屈卿

者于此見人臣從王實職分所當為且

既受享禮矣。享報功燕達情各有當也。司宮兼

卷重席設于賓左東上

言兼卷則每卿異席也重席重蒲筵緇布純也

凡席兩種者稱加此一種重設之耳席自房來賓左賓東卿坐東上統於君也卿升拜

受觶主人拜送觶卿辭重席司官徹之

徹猶去也重席

雖非加猶爲其重累去之辟君之有加席乃薦脯醢卿升席坐左執

爵右祭脯醢遂祭酒不啐酒降席西階上北面

坐卒爵興坐奠爵拜執爵興主人答拜受爵卿

降復位

薦不言其人畧之卿無俎者燕主於羞不酢者辟君降復位降階復西面位

士讓按大射禮重故使庶子設折俎此燕主羞故記惟著羞卿者小膳宰辯獻卿主

人以虛爵降奠于篚。卿俱降。射人乃升卿。卿皆升

就席。射人升之，尊卿。若有諸公，則先卿獻之。如獻卿之

禮。此禮通五等侯國言之。故於諸公云若有。蓋上公之國，乃有四命之孤一人，與天子之三

公得同稱公也。注云言諸者，容牧有三監。泊邾吳氏曰言諸者，或容有致仕老臣。席于

阼階西北面東上，無加席。席孤北面，為其太尊屈之也。亦因阼階西

位近君，近君則屈，親寵苟敬私昵之坐。士讓按惟君有加席，賓則無之。卿雖設重席而徹之

故公只一席以下同於卿與賓也。

右主人獻孤卿

小臣又請媵爵者二大夫媵爵如初。

上經皆致者猶有一致

奠觶未舉小臣又請者節侯應爾也如初如執

觶待于洗南以上之儀其請致以下則有不如

初者

請致者若命長致則媵爵者奠觶于篚一

人待于洗南長致致者阼階下再拜稽首公答

再拜。

請致亦小臣也若命長致者公或時未能

再拜

舉自優暇也脫屨升坐以前爲賓爲卿爲

大夫三舉旅者燕禮之正不得損益也云若者優君之辭

洗象觶升實之坐

奠于薦南降與立于洗南者二人皆再拜稽首

送觶公答再拜

前此二人媵觶奠于公薦南北上其止觶已取爲賓舉旅矣下

解仍在。今大夫又勝一解，奠于薦南，故處遂降與一大夫共拜于阼階下，以共勸君也。

右再勝爵

三禮館議：旅三舉於前，兩勝，預多一解者，嫌三旅而後勝，是大夫勝。

大夫也，故勝止于再。

公又行一爵若賓若長，唯公所酬

一爵先勝者之下解也。其

後勝一解，留之後為大夫舉族。公卿既受獻，君乃為之舉族，禮之序也。云若賓若長，則賓禮殺矣。長，公卿之尊者也。賓則以酬長，長則以酬賓。上讓按初舉族從賓起，正也。則再舉族從長起，亦正也。兼云若賓者，或公優賓耳。以旅于西階上如初，大夫卒受者，以虛解降奠于篚。

士讓按初為賓舉族，由卿至大夫卒受，此為卿。

舉旅亦至于大夫卒受而尚不及士以士卑也卿與大夫堂上俱有位士則堂上無席矣故不得由大夫而遽及于士

右公為卿舉旅

主人洗升獻大夫于西階上大夫升拜受觚主

人拜送觚大夫坐祭立卒爵不拜既爵主人受

爵大夫降復位不言酌散者可知也卿坐卒爵此大夫立卒爵不嫌同於君也

前卿不酢君此併不拜既是禮又殺也胥薦主人于洗北西而脯

醢無胥胥膳宰之吏也胥讀如謂謂其有才智為什長是庶人在官者主人宰夫也分

在大夫下，先大夫薦之者，尊之也。不於堂上，上無其位，且辟正主也。升俎，賓曰胥。鼓氏繼公曰：主人位在西方，至是薦之于洗北，蓋膳館所在也。其意與卿大夫士既獻而易位者同。辯獻大夫，遂薦之。繼賓以西東上。辯獻之乃薦，畧布席。大射儀：小卿賓西東上，辨貴賤也。此燕主歡心。小卿與大卿皆在賓東，故賓西無小卿位而大夫繼賓。卒，射人乃升大夫。大夫皆升就席。與卿射人升之。

右主人獻大夫

席工于西階上，少東。樂正先升，北面立于其西。

儀禮集說

卷二

七

工、磬、瑟也。樂正，於天子樂師也。凡樂掌其序事。樂成則告備。穆亨，李氏曰：諸侯有大小樂正。燕時，但用小樂正一人，則大樂正必朝祭禮乃用之歟。小臣納工。工四人。

二瑟。小臣左何瑟，面鼓執越，內弦右手相。入，升。

自西階，北面東上坐。小臣坐授瑟，乃降。此與鄉射禮文。

大同。惟納工相，工以小臣為異。侯禮工宜六人，而用四人者，燕禮輕從大夫制也。餘詳鄉射禮。

篇。工歌鹿鳴，四牡，皇皇者華。此君與臣燕其禮輕，故但自小雅而

下。春秋傳曰：肆筵設簎，過渠，天子所以享元侯也。文王大明，絲兩君相見之樂也。然則諸侯之相與燕，升歌大雅，合小雅也。天子與次國小國之君燕，亦如之。與大國之君燕，升歌頌，合大雅也。

士讓按此與鄉飲酒禮皆備升歌笙入閒歌

合樂四節。朱子云。鹿鳴燕享賓客之詩。四牡勞

使臣之詩。皇皇者華遣使臣之詩。據疏謂

燕禮有四。詳味三詩之旨。於燕禮尤切云。卒歌

主人洗升獻工。工不興。左瑟。一人拜受爵。主人

西階上拜送爵。工歌乃獻之。賤者先就事也。左

爵也。一人工之長者拜。拜於席。士讓按此洗

亦爲工長一人耳。與鄉飲酒只爲大師洗全。疏

云。此篇與大射羣工與衆笙皆言祭。故知皆爲

之洗。然案鄉飲酒獻無不祭也。原無異同之儀

其衆工與衆笙於薦亦同不祭也。至不洗者

不祭。記乃爲旅酬時言之。疏引爲証。蓋誤。薦

脯醢。輒薦之。士讓按上獻大夫。徧獻乃薦。此

獻工。獻輒薦。注以爲變於大夫。疏以爲禮

儀禮紉解

卷六

燕禮

三

尚異。非謂貴工也。二說固然。其實鄉飲鄉射燕

禮大射四者。凡獻工皆輒薦之。例應如是耳。非

有別。使人相祭。使扶工者相。卒爵不拜。賤不

義。使人相祭。其祭酒祭薦。卒爵不拜。備禮。主

人受爵。將復獻。衆工不拜受爵。坐祭。遂卒爵。辯

有脯醢。不祭。主人受爵。降奠于篚。衆工

右樂賓升歌。獻工。三禮館議。樂以娛賓。此工

席不得先。布工席也。入于獻後者。卿大夫未升

公又舉奠觶。唯公所賜。以旅于西階上如初。前

若賓若長。不定是賓。禮漸殺矣。然猶言。卒。三禮

酬。此云賜。則君又彌尊。賓長彌卑矣。館議

云。前

始舉旅為賓。賓之斯酬之矣。次舉旅為公卿。宜酬公卿之長。而曰若賓若長者。既為賓。亦可先于公卿。先後隨公意也。此三舉旅為大夫。而曰唯公所賜。賓與公卿尊也。或先賜大夫。可也。或先賜賓。與公卿亦可也。大夫受賜。當先酬賓。次乃由公卿以辯衆大夫。

右公為大夫舉旅

此燕尚飲。故工歌之後。笙奏之前。而為大夫舉旅。大

射雖行燕禮。主於射。故笙卒管至射後。乃為大夫舉旅。

笙入。立于縣中。奏南陔。白華。華黍。

縣中。縣中央。諸侯軒縣。闕

南面。故言縣之中。奏以笙播此三詩。

主人洗。升獻笙于西階上。一

人拜。盡階不升堂。受爵降。主人拜送爵。階前坐。

祭立卒爵不拜既爵升授主人

一人笙之長者鄉射禮曰笙一

人拜于下

衆笙不拜受爵降坐祭立卒爵辨有脯醢

不祭

笙在堂下而言降者階下受爵者亦盡階不升堂也辨有脯醢者亦獻訖薦于位前

乃閒歌魚鴈笙由庚歌南有嘉魚笙崇丘歌南

山有臺笙由儀

閒代也謂一歌則一吹也六篇義詳見鄉飲酒篇

遂歌

鄉樂周南關雎葛覃卷耳召南鵲巢采芣采蘋

鄉樂者風也燕合鄉樂者禮輕者可以逮下也此六篇者夫婦之道生民之本王政之端禮教之原也故國君與其臣下及四方之賓燕用之合樂也 穆亭李氏曰此合樂衆音並作而云

歌者以人聲為主也。大師告于樂正曰正歌備。大師上工也。掌合陰陽之聲。教六詩。以六律為之音者也。正歌者。升歌。笙入。間歌。合樂。皆三終。為一備。備亦成也。
樂正由楹內東楹之東。告于公。乃降復位。樂正與工俱在堂廉。以楹南無過處。故由楹內。復位。注云。位在東縣之北。敖氏云。樂正降立西階東。未詳孰是。

右樂賓笙閒合。若以樂納賓。則賓及庭。奏肆夏。賓拜。酒主人答拜。而樂闋。公拜受爵。而奏肆夏。公卒爵。主人升受爵。以下而樂闋。自此

盡若舞則句論臣子有王事之勞與之燕之事。若者不定之辭。常燕已。臣子無樂。王事之勞。或有或無。故言若也。肆夏樂章也。注云。今亡。呂氏叔玉以時適當肆夏之一。蓋取詩中有肆于時。夏句義耳。其言曰。肆夏時邁也。樊遏執競也。思文也。以是為肆夏之三。未知確否。奏者。以鐘鐃播之。鼓磬應之。所謂金奏也。及庭而奏肆夏。尊賓也。未卒爵而樂闋。辟君也。此非詩常大夫為賓。與宰夫為主。人相對者比。倘非卿大夫有王事之勞。何以致此。士讓按大射儀。公升卽席時奏肆夏。彼重尊公。非專為納賓也。升歌鹿鳴。

下管新宮。笙入三成。

此明異於常燕者也。安溪李文貞公曰。下管。

新宮者。以管奏新宮之篇也。笙入三成。以笙入閒歌也。下云。遂合鄉樂。卽二南也。此四節。

之樂皆與前同。但次節易笙爲管耳。蓋管重於笙。虞書周禮下管。禮記升歌清廟。下而管象。皆重樂也。至第三節以笙開歌。則上下皆同。虞書曰笙鏞以閒。是也。此言笙入三成。而不言歌言閒者。蒙上笙文耳。注疏謂笙入三成。正謂笙奏新宮三終。申說下管之義。恐非文意也。但因疏言新宮三終。可知升歌鹿鳴者亦三終也。閒合各三。俱與前文同。或不言者。皆省文耳。穆亭李氏曰。管者吹簫以奏之。其樂重。惟天子諸侯得用之。以下管代笙入三終。樂之盛。若卿大夫則但有笙入之節。而無下管也。新宮有聲無辭。蓋亦南陔白華華黍之類。注謂斯干。斯干宣王時詩也。以前何由用之乎。宋公饗叔孫曰賦。則所賦或卽斯干。未可知。要不可以所賦與所管者混爲一也。敖氏繼公曰。此奏肆夏下管如大射。

禮則縣亦宜如之蓋燕遂合鄉樂周南召南六篇士

有時而射當闕中縣也讓按注云言遂者不閒也竊以此樂甚盛何闕閒歌說似可疑辨見李文貞公說若

舞則勺勺周頌告成大武之樂歌若云者在於君意不定也爲之舞則歌勺詩以

爲曲凡樂備乃舞舞勺用干公羊傳云萬者何干舞也

射人自阼階下請立司正公許射人遂爲司正

君爵三舉爲賓爲卿爲大夫矣樂四備歌笙閒合各三終矣將留賓飲酒更立司正以監之察儀法也射人相禮與司正事同君許其請因命爲司正也賈氏公彥曰鄉飲射立司正後始行旅酬者彼是士禮此國君燕臣子卿大夫皆堂上有位近君不敢失禮故雖舉旅可以未立

司正作樂後將獻羣士士職卑位在堂下或恐失禮故未獻之前卽立司正監之敖氏繼公曰亦慮賓及公卿大夫以待君飲已三爵矣或有不安心故請立司正以安之司正

洗角觶南面坐奠于中庭升東楹之東受命西

階上北面命卿大夫君曰以我安卿大夫皆對

曰諾敢不安

先奠角觶于中庭明其事以自表威儀多也君意殷勤欲留皆飲酒

而司正致君命卿大夫以我故安其意不專主於賓兼欲羣臣共安也

司正降自

西階南面坐取觶升酌散降南面坐奠觶右還

北面少立坐取觶興坐不祭卒觶奠之興再拜

稽首

不還謂奠時南面乃以右手向外而西面

從解東而左還北面則背君也左還南面坐取解洗南面反奠

于其所

將於解南北面則右還於解北南面則

往來者以君在降下不可背之也反奠虛解不空位也欲使衆人共知司正嚴恭之義

右立司正

舉其概如飲射請安于賓惟賓之故此則

射人自請之飲射請安于賓惟賓之故此則

曰以我安惟公之故飲射司正北面奠解此

南面飲射拜此再拜

升自西階東楹之東請徹俎降公許告于賓賓

北面取俎以出。膳宰徹公俎，降自阼階以東。請徹。

俎降，降字疑衍。大射儀無之。向者司正受命安賓，賓奉命而不敢辭以俎，今司正請徹之，所以達其意也。鄉飲酒主人取俎授弟子，降自西階。主人降自阼階。燕禮公不降，故膳宰降自阼階。不降西階而當君降處，以賓親徹，若示君親徹然。卿大夫皆降，東面北

上。上賓以俎出，當及入升坐，故卿大夫皆降以待賓及亦升坐也。此卿大夫俱無俎。

右徹俎。三禮館議。臣請君自阼階上此司正請徹俎，與請安賓皆於櫺東者，當以

君命辯告

于堂上也。

賓反入及卿大夫皆說履升就席。公以賓及卿

大夫皆坐乃安

凡燕坐必說屨者禮尚敬敬多則不親燕安坐相親之心也君

尊脫屨于堂上至此云皆坐可羞庶羞
前設骨

體所以致敬也說屨以後進庶羞所以盡愛也

鄉飲酒直云羞則狗陂醢二豆而已此云庶則

既饌肝臂狗陂醢或更有魚鼈膾鯉如雅詩所

云或更有雉兔鶉鴛如內則及公食大夫所云

者也大夫祭薦薦脯醢也獻時不祭不敢於盛時

也然後可以食庶羞也至是必祭之者宜終此禮

而薦不徹故此有大夫祭薦之儀而禮終有賓

取薦脯以司正升受命皆命君曰無不醉賓及

降之儀也

賓及

卿大夫皆興對曰諾敢不醉皆反坐

皆命者命賓命卿大

夫也。起對必降席。既對乃反坐。司正退立于西序端東面。

右燕

有內羞

注云謂羞豆之實醢食糝食羞遵之實糗餌粉養。敖氏云

即房中之羞也。注以周官醢人邊人所羞為此內羞。禮恐或然。但未必盡用之。穆亨李氏曰。庶羞之外有內羞。猶無算樂之外有房中之樂。

主人洗升獻士于西階上。士長升拜受觶。主人

拜送觶。

大夫以上獻用觶。旅酬乃用觶。此獻士即用觶。士賤也。

士坐祭立

飲不拜既爵。其他不拜坐祭立飲。

他衆士也。亦得升堂受爵。

但不拜耳。乃薦司正與射人一人司士一人執帛二

人立于解南東上。

天子射人司士皆下大夫諸侯則上士執事者皆士也此

等皆士而先薦者以其皆有事也司正庭長也

司士於周禮掌羣士爵祿廢置之事諸侯司士

亦士中之尊者也三者當官雖多皆長先薦其

餘在于衆位依齒又士位在西有事者別在解

南司正爲上三禮館議司正卽射人又言射

人一人尙有大射正在也下經云若射則大射

正爲辯獻士士既獻者立于東方西面北上乃

司射

薦士。庭中初位卿東方西面大夫北面。上西方

故士得獻卽東方卿位蓋尊祝史小臣師亦就

之也其既畢獻則薦于其位

其位而薦之。次士獻之已不變主人就旅食之

位初位自在東方

尊而獻之。旅食不拜受爵。坐祭立飲。

以大射旅食尊在西

鋪之南北面推之。則此應南鄉酌之。乃西南面獻之於尊南也。不洗者旅食者乃府史胥徒之輩。以賤畧之也。亦畢獻乃薦之。主人執虛爵奠于篚復位。望溪方氏曰。獻勝爵者無文。包於大夫也。獻無算爵之執爵者無文。包於士也。士旅食得獻在庶子之先。恐非府史胥徒。或為升於司馬之進士歟。士讓按此乃陳于門西之兩圓壺也。賤亦至此得獻。與祭禮之逮下無不周畧相似。于此見立主人為獻主之宜。不然以公之尊。豈應視其勞至此等乎。

右主人獻士

若射則大射正為司射。如鄉射之禮。

大射正射人之長者

也。如鄉射之禮者，燕爲樂。卿大夫宜從其禮。如者，如其告弓矢既具，至退中與算也。納射器而張侯，其告請先于君，乃以命賓及卿大夫。其爲司正者，亦爲司馬。君與賓爲耦，鄉射記曰：自君射至龍旛，亦其異者也。薦旅食，乃射者。燕射主于飲酒。放氏繼公曰：不云如大射之禮者，以其惟一侯，侯道五十弓，而射器皆在堂西也。如是則自君射而外，凡他禮皆與鄉射大同小異。而于大射則或有不可以相通者。此所以惟蒙鄉射禮也。

右射 君與射則爲下射。袒朱襦樂作而后

就物。

言與射則君於燕射或時不與矣。袒朱襦樂作而后就物，君尊也。士讓按君

與賓爲耦而爲下射，從鄉射禮主人與賓爲耦也。君尊而謙也。當與下文上射退於物數

句合看。方見人

小臣以巾授矢，稍屬。

君尊不

臣不如於君。

屬者，稍與發矢時相連屬。

也。每於將發之節，則授之。不以樂志。

辟不敏也。此亦

優君既發，則小臣受弓以授弓人。

正燕禮輕上

射退於物一筈。既發，則答君而俟。

一筈長三尺。答對也。

若飲君，燕則夾爵。

謂君在不勝之耦，賓飲之。如燕，勝觚則又夾爵也。夾

爵者，將飲君，先自飲及君。

君在，大夫射則肉

飲訖，又自飲，所以優尊也。

袒。大夫對士射，袒。袒，此不繡襦者，厭於君。

賓降洗，升勝觚于公，酌散，下拜。公降一等。小臣

辭賓升再拜稽首公答再拜

此當言賡解之禮皆用解云觚者

舉旅之誤也賓洗升賡解者上為賓為卿為大夫皆臣自致爵賓受公賜多矣禮將終宜親勸公穆亭李氏曰賓賡爵宜拜于西階下賓坐祭卒爵再拜稽首

公答再拜賓降洗象觶升酌膳坐奠于薦南降

拜小臣辭賓升成拜公答再拜賓反位

反位反席也

右賓賡爵于公

三禮館議賓賡解有數善焉賓酢主人而未嘗酢公藉此

以成禮於公明有尊也賡解者下大夫也賓亦代事焉自伍於大夫也明等夷也為士舉旅而賓自賡之降尊以就卑也明下賤也

公坐取賓所腍觶興唯公所賜

至此又言興者明公崇禮不倦

望溪方氏曰所腍之觶遞酬以及於士所以示君於羣下一視同仁而賓之敬亦達於上下

受者如初受酬之禮降更爵洗升酌膳下拜

小臣辭升成拜公答拜乃就席坐行之

曰降則公賜在

上位者可知曰酌膳則為公賜者皆酌膳可知坐行之變于前亦以此酬主於士也有執

爵

士有盥升主酌授之者亦以坐而行酒須代酌授也若然前三舉旅皆酬者自酌授

唯受于公者拜

公所賜者也其餘則否

司正命執爵者爵

辯卒受者興以酬士

此所命者命大夫也酬大及士則君惠均於庭矣

夫卒受者以爵興西階上酬士士升大夫奠爵

拜士答拜興酬士者士立堂下無坐位敖氏繼公曰拜受拜送旅酬正禮士始受

旅故從其正禮其旅于西階上皆如大夫酬士儀大夫立卒爵不拜實

之士拜受大夫拜送士旅于西階上辯祝史小臣旅食

者皆及焉以次士得獻故亦得酬也其庶子以下未得獻者至無算爵時方及之望溪方氏

曰士自酌以相酬故大夫卒受者亦自實以先之而不用執爵者禮之曲當于人情類如此

士旅酌旅次也以次序自相酌相酬上執爵者亦在酬中矣卒

右公爲士舉旅

主人洗升自西階獻庶子于阼階上如獻士之
禮辨降洗遂獻左右正與內小臣皆於阼階上
如獻庶子之禮庶子掌正六牲之體及舞位使
國子修德學道世子之官也或
曰庶子謂卿大夫士之子周官以庶子繼士而
言正指此也左右正謂大小樂正僕人正也大
樂正位在中庭之左小樂正僕人正位在中庭
之右或曰經止見一樂正未嘗二之也相工者
小臣小臣師未嘗及僕人正也左右正未嘗何
官內小臣奄人掌君陰事陰令后夫人之官也
左右正與階獻意亦為內臣歟降洗乃獻以其
尊於庶子故更新之獻於阼階上所以別內外
也凡獻皆薦也士讓按注疏蓋台大射儀以
推而知之然本經所載有胥有司宮有甸人有

間人等名則亦俱在
所獻無或遺也歟

右主人獻庶子以下

張氏養浩曰庶子非官也蓋卿大夫士之子故

獻之後于
上備考

無算爵

算數也爵行無次無
數惟意所勸醉而止

士也有執膳爵者

有執散爵者執膳爵者酌以進公公不拜受執

散爵者酌以之公命所賜所賜者興受爵降席

下奠爵再拜稽首公答拜

席下席西也賓卿大
夫席皆南面統于君

以東爲上不降階惟拜於席下者禮殺也古文

曰公答再拜

穆亭李氏曰凡臣再拜稽首皆

皆答以再拜。通經皆然。當从古文爲是。王溪
方氏曰：自大夫以上，皆得親與君爲禮。士則受
酬于大夫，並不得與公卿接，故於禮終，使二士
執無算爵，不惟執膳爵者得徑進于公，卽執散
爵者亦先進於公，而公親命之以賜公卿，所以
作其志氣而厲其節行也。士位在堂下而獻必
於階上，亦此義也。三禮館議前云：受賜爵者
惟公所賜，此曰公命所賜，義又別。

以爵就席坐，公卒爵然後飲。

不敢先虛爵，明此惠從尊者來，執

膳爵者受公爵酌，反奠之。

疏云：君意欲得皆醉，今反奠于君前，望當

君心。

穆亭李氏曰：飲射禮行二爵者，賓主二

黨以錯爲周也。此禮惟行一爵，大廷分定，自尊
至卑無取於錯。士讓按若二爵並行，則褻用
君之膳爵，故酌而反奠於君，士終旅則君自舉

之奠亦在薦南受賜爵者興授執散爵執散爵者乃酌

行之予其所勸者唯受爵于公者拜卒受爵者興以

酬士于西階上士升大夫不拜乃飲實爵升階大夫

飲士不拜受爵大夫就席士旅酌亦如之公有

命徹冪則卿大夫皆降西階下北面東上再拜

稽首公命小臣辭公答再拜大夫皆辟士旅酌亦如之

如其自酌不拜而飲不拜而受也徹冪之節其在大夫就席之時乎云有命又云則然否未定也穆亭李氏曰徹冪者併膳而欲與諸臣同盡之視命無不醉者更渾矣不升拜者人衆禮

有終也。望溪方氏曰：公不命升成拜，何也？此禮終而總拜君之賜也。異國之賓，明日拜賜，君不復見而聽其稽首於門外。故本國之臣聽其所之人而拜賜于明。遂升反坐，士終旅於上。如初者，嫌既降則旅於下也。望溪方氏曰：士終旅，是至此士亦得酌膳以相酬也。燕之初，卿大夫獻酬皆以散，至末而羣士皆飲膳，示君之馭臣，名分則親貴不敢假恩義，則疎賤不敢遺。惟嚴於始，乃可以厚終也。禮之起教於微渺類如此。士讓按爵至無算，可謂盡情忘分矣。然而膳散有辨也，稽首受賜有儀也。堂上堂下有別也，執爵旅酌有等也。至此無算樂，升歌閉合無而必歸於禮。安有失禮乎？無算樂，數也，取歡而

已其樂章亦無次數宵則庶子執燭於阼階上司宮執燭

於西階上甸人執大燭於庭閹人爲大燭於門

外宵夜也燭燋也燕法設燭或射之後終燕則

則燕不嫌於久也古者無麻燭而用荆燋未燕

曰燋在地曰燎執之云燭於地廣設之則曰大

燭甸人掌共薪蒸者庭大燭爲位廣也閹人守

門者爲作也作大燭以俟賓客出穆亨李氏

曰阼階上者公燭也庶子時入直宿衛故主之

西階上者爲賓燭也司宮掌寢故主之庭者爲

士若旅食燭也甸人掌薪蒸故主之門外爲賓

出燭也司閹掌出入故主之門外之燭蓋樹之

而不執司烜注云樹于

大門外曰大燭是也

右無算爵

賓醉北面坐取其薦脯以降。

賓未醉不敢起。既

出者皆以賓爲節也。取脯重得君賜。穆亭李氏曰：饗禮有歸俎之節。燕禮輕不歸俎。故賓取脯以明受賜之意。士讓按公食大夫賓取梁與醬以降。又有司卷三牲之俎歸于賓館。食禮與燕餐奏咳。咳。咳。夏樂章也。賓出以鍾鼓奏之。不同。奏咳。以爲行節也。穆亭李氏曰：鄉飲酒亦奏咳而不取脯者以敵禮不取脯。取脯卑下者之禮也。士讓按鄉飲酒鄉射燕禮大射四者俱有作樂。故禮終亦以樂終之而奏咳。至取脯惟燕禮大射有之。鄉飲酒鄉射俱賓取俎還授司正而司正以俎出授從者取。賓所執脯俎尚司正以出自不宜親取脯矣。

以賜鍾人於門內雷遂出。

必賜鍾人者。鍾人掌以鐘鼓奏九夏。今奏

該以節已。用賜脯以報之。明雖醉不忘禮。士讓按冠昏之取脯。為有所報命。明得禮之意。故有所取無所賜。此臣受禮於君。非為有所報命於家長也。故取以示意。隨轉賜耳。卿大夫皆出。隨賓出也。公不送。賓禮訖。是臣也。望溪方氏曰。主人拜至而不送。何也。燕既終。則仍宰夫耳。豈惟不敢代君而為主。人亦不敢與卿大夫為敵者之禮。

右賓出

公與客燕

謂四方之使者也。自此至末。論與異國臣將燕使卿大夫就館戒之辭。燕

禮與已臣同。唯戒辭為異。故於篇末見之。曰。寡君有不腆之酒。以請

吾子之與寡君須臾焉使某也以請。曰君使人

禮使人各以其爵。或大聘使卿。小聘使大夫。爵

不同。主君亦以其爵戒之也。上介於是出請入

告。使人立。對曰寡君君之私也君無所辱賜于

館門外云。使臣臣敢辭。上介出答主國使者辭也。私之為

言屬也。謙辭也。春秋傳載叔孫穆

子之言曰。邾滕人之私也。茅夷鴻告吳人

言曰。邾賦六百乘。君之私也。此亦可見矣。寡

君固曰不腆使某固以請寡君君之私也君無

所辱賜于使臣臣敢固辭。再請而再答寡君固

曰不腆使某固以請某固辭不得命敢不從。三

而

前也。於是出見使者。致命曰：寡君使某有不腆之酒，以請

吾子之與寡君須臾焉。親相見而致君命也。君貺寡君多

矣。又辱賜于使臣，臣敢拜賜命。客對辭也。於是大夫還客，遂從

之。

右公與客燕。若與四方之賓燕，則公迎之

于大門內，揖讓升。四方之賓謂來聘者也。自

告饌具而後公卽席。張氏爾岐曰：賓爲苟

告饌具請執冪等儀。又公食所無者。賓爲苟敬，席于阼階之西北面，有胾不啻肺，不啻酒。

其介爲賓。

荀且也假也。前饗賓已受體。今燕

此升堂而辭讓欲以臣禮自處。於是席之其位如本國諸公之位。而以上介爲賓。言苟敬者賓實主國所宜敬也。齊折俎也。不啗不啐者諸公於鄉射大射之儀如是。今席位既如之。故行禮亦如之也。其介爲賓介門西北面西上。公降。擯者以命命上介爲賓。禮同上。主人獻賓獻公。既獻苟敬。乃腍觶。羣臣卽位如燕也。敖氏繼公曰。苟誠也實也。苟敬者固君子外臣所燕者之稱也。其類亦猶鄉飲之遵。此燕主爲賓而設。賓于足時雖不爲正賓而實爲主君之所敬。故以賓爲苟敬也。此賓當有加席與食禮同而東上。望溪方氏曰。苟當作耆。傳寫誤也。尙書耆長壽耆。稱尚德兼隆之臣。故用爲國客之稱。以尊異之。席賓

於諸公之位而加以耆長之稱在賓則欲同
于諸臣在君則不使儕于獻主禮也穆亭
李氏曰饗食皆公自爲主而燕則別立主者
仲公尊也故饗食之禮至繁皆賓自爲之而
燕則別立賓者無膳尊無膳爵膳尊瓦大也
亦以優賓也無膳爵膳爵象觚象
觶也所燕者非已若與四方之賓燕媵爵曰
臣于故不宜自異臣請贊執爵者受賜謂公赫者酬
臣受賜矣臣請贊執爵者之至燕主人事賓
之禮殺賓降洗升媵相者對曰吾子無自辱
解于公答恩惠也相者對曰吾子無自辱
焉公命答之有房中之樂絃歌周南召南之
節也謂之房中者后夫人之所諷誦以事其
君子穆亭李氏曰此樂亦工歌之亦有瑟

其卽當賓勝爵之時乎。說屨升堂坐則不宜使工於堂上奏樂矣。房中之樂無鍾自不必言。磬在堂下既輟堂下之樂則磬亦未必用矣。注又云后夫人諷誦事君子者蓋本詩初意而言。

右燕禮

凡二十八節經文止

記古本

記燕朝服於寢其牲狗也。

士讓按其牲狗也四字注疏坊本無。敖氏

本有疑石經有之。

亨於門外東方若與四方之賓燕則

公迎之于大門內揖讓升賓爲苟敬席于阼階

之西北面有胥不嘑肺不啐酒其介爲賓無膳
得無膳爵與卿燕則大夫爲賓與大夫燕亦大
夫爲賓羞膳者與執冪者皆士也羞卿者小膳
宰也若以樂納賓則賓及庭奏肆夏賓拜酒主
人答拜而樂闋公拜受爵而奏肆夏公卒爵主
人升受爵以下而樂闋升歌鹿鳴下管新宮笙
入三成遂合鄉樂若舞則勺惟公與賓有俎獻
公曰臣敢奏爵以聽命凡公所辭皆栗階凡栗

階不過二等。凡公所酬，既拜，請旅侍臣。凡薦與羞者，小膳宰也。有內羞，君與射，則爲下射。袒朱襦，樂作而后就物。小臣以巾授矢，稍屬，不以樂志。既發，則小臣受弓以授弓人。上射退于物一筭。既發，則答君而俟。若飲君，燕則夾爵。君在大夫射，則肉袒。若與四方之賓燕，媵爵曰：「臣受賜矣。」臣請贊執爵者。相者對曰：「吾子無自辱焉。」有房中之樂。

儀禮紉解卷之六終